

松龕全集

閻錫山書



三

松翁全集

陶淵明書



山

松龕全集

松龕徐繼畲著

詩集 卷上

題朱生甫司馬先澤吳門送別圖步冊中錢辛楣宮詹韻

爲愛瀟湘一段秋騷人游覽入南州定知柔擲輕搖處無數詩囊壓小舟

一麾猶憶跨征鞍湘水衡雲次第看

余以丙申年出守潯州取道湖南

今日烽烟銷盡否岳陽

樓檻已凋殘

時湖南寇亂初平湖北尙未靖

朱生甫司馬以先澤太行秋影冊子索題步冊中原韻三首

風騷遺蹟手頻摩却憶青牛此舊過

潤東先生曾任交城少尉

吏隱還同梅福早詩才應比

閬仙多一時名輩爭酬唱

潤東之官山右張船山法梧門諸前輩皆有詩送行

兩世清操入荅歌棠愛重

留唐魏土殘碑墮淚鬱嵯峨

文孫績學苦編摩京國前番載酒過唾手青雲君未晚搔頭白髮我偏多雙松

廳事誰哦句故李將軍許嘯歌相對頻看腰下劍太行一脊認巍峨

蘭芽茁秀又肩摩雛鳳高翔千仞過畫省簪毫推俊乂粉曹列宿見英多皐比
未撤仍談藝濁酒頻斟且放歌

主甫主講上黨書院時招余飲

叢桂留人香滿座小山招隱望

峨峨

朱生甫屬題先澤太行秋影圖內有徐禮菴詩黃谷音和之蓋以險韻鬥
奇者因用其韻贈生甫叙上黨團練事且以索和

寓客有如君閒居有如我朝局無仔肩臥遊爰不可粵寇忽跳梁時事關心頗
投筆起徘徊號召先閭左教伍集健兒幟文翩婀娜雉堞鞏金湯鱗原靖烽火
指囷有諸賢無憚餼糧裹萬戶靜喧嘩羣神安佑妥短後日馳驅皐比安能坐
君本吳會英高情斥庸瑣晉土卽枌榆務使平無跛我仕曾三黜壯懷徒磔砢
銜命來乘鄣馬革志未果與君左右手忘形如袒裸所望吳楚平報捷馳雲朶
金甌自渾全蕩盡羣么麼

陳劍芝同年擢粵西觀察將有嶺表之行追憶昔年宦轍所經賦長篇送別

我昔遊桂林山川猶在目君今赴嶺南萬里馳輪轂試以我所經爲君徐往復

夏口掛輕帆岳陽泛艫舳浩渺湖水平灣迴三十六九面望衡山綠水瀟湘復

南道走零陵漸覩奇峰禿永州山形已似粵西全州粵門戶舍舟還就陸水路可達桂林惟斗河淹滯特

其故仕宦多由陸路夾道多喬松疎枝雲自宿全州之南驛路皆植松高至十餘丈最幽憐絕處桃花間修

竹過此爲興安湘灘泉一掬湘灘本一源出興安縣北流爲湘南流爲灘因一水而相離故名勝絕巖關口奇

山茲焉伏如筍如浮屠雙角或如鹿平地不相連遙瞻似林木行人入其中迷

途互相逐竟疑八陣圖不止川中獨行行及桂林城垣山所築風洞爲北門凹

凸排崖谷北門在風洞山峽峨峨獨秀峰蒼黛如膏沐獨峯在城中闔闔周四圍一拳秀平地拔起

天際矗城西象鼻山連蟠舒不縮山在水中似象鼻船出其間中間過估船張帆展蒲幅南

行駛八杆粵西船皆雙桅交縛作八字形謂之八杆船下瀨波洄洑木棉爛如錦杜鵑紅簇簇猿猱

攀懸厓小石時翻蹴天半忽槎牙萬笏攢如鏃謬貽問舟人陽朔固耳熟舟過

幟江亭峭壁懸清肅

陽朔縣城在江夾之譙樓榜曰岸兩峭壁幟江亭

極目望峰巔仙靈氣紛郁過眼

留雲烟宛然畫可讀粵山此最奇餘者無庸瀆

粵西山水之奇至陽朔浦面止餘無足觀

君是漢循

吏仁風周郁屋爲政三十年除莠植嘉穀魏唐千里間到處人民育我因乘輶

來喜見人如菊苔岑氣誼深笑談時捧腹君今奉簡書多繡紵章服舉帷五嶺

間猺獞胥蒙福羔羊節素修何患食無肉彼土經瘡痍哀鴻嗷百族兵氣雖已

銷嗅咻賴人牧知君能撫綏賣劍還買犢偕登衽席間左右資饘粥政成君亦

暇看山涉林麓奚囊定不虛新詩且盈軸作詩送君行舉觴歌百祿

是時楚氛未靖赴粵須取道蜀黔再賦一章盡意

楚江烽火尙漫漫迂道應知行路難杜宇聲中雲棧遠

取道四川之閬中重慶達於烏江

竹王

祠畔月光寒

歷貴州之思南鎮遠於古州即入粵西之懷遠縣

王尊按部羞回轡新息征蠻且據鞍五

管定歌來已暮早修尺素報平安

德亭風

在潞安府署相傳唐玄宗爲潞安別駕時所構

潞州古郡太行脊有亭翼然名德風太守官舍闕且敝後有小邱可以籠時構

此亭宜遠眺五龍山色來空濛

山在城南二十里

俯看墻外田似鄆芄芡禾黍歌年豐

此亭遺址傳唐代年歲云在景龍中當時明皇爲別駕龍蟠泥淖方厄窮王孫

乃爲冷官屈料難裘馬誇英雄誰憐生日無湯餅典將半臂煩阿忠

明皇王皇后寵衰一

日泣訴曰不記阿忠脫紫半臂爲三郎生日湯餅乎上爲憫然王忠后之父也

經歷艱難非不早詎曰寡人生深宮奈

何一代稱英主開元天寶異初終韓休既罷九齡貶弄權楊李蒙其聰鎮日打

毬無諫疏有時擊鼓稱天公沈香亭畔清平調傾城酣醉一枝紅遂使胡兒萌

異志漁陽鐵騎盡彎弓潼關忽斷平安火蒼黃下殿走蠶叢豈非盈滿生怠荒

何如貧瘁抱謙沖回憶監州爲吏始願又豈及崇隆我來弔古長嘆息高吟

挂頗送雙鴻

贈澤州陳淮生太守

太行一脊摩星斗河內在左河東右此地自古稱巖疆控扼端資賢太守君家
累葉紆紫青偃僂銘鼎相傳久裘馬安知輕且肥秃筆殘書時在手磨穿鐵硯
事未成粉署爲郎軼儕偶一麾望望出長安砥柱析城來綰綬吏行冰上人鏡
心陰雨膏遍東南畝前年粵寇忽跳梁馳突三河如瘼狗野王城外陣雲屯天
井關頭游騎走郡兵寥寥不滿百吏民失色都箝口使君談笑自圍棋密運奇
謀讐羣醜其時相助有諸賢

陳劍芝司馬
李曉亭大令

號召良家多赴赴山頭列炬萬人呼

劇賊汗流逃恐後由此境土獲安全不輟耕男與織婦事後論功君不居守土
幸獲占无咎豸繡頒來自九天君乃拜手稽首受我來乘鄴望清塵筆札時時
商可否合將師友溯淵源論交何必在杵臼今年君自太原來乃得從容接杯
酒意氣豪邁無古人胸懷洞達空諸有東南半壁寄長城非君誰任此重負行
看雄職擢烏臺載咏皇華駢四牡

上黨卽事留別諸紳士

太行側畔又驚秋惆悵駒光駛不留敢道諸君皆健卒頗哀老子得遨遊蒼茫
獨立誰青眼憔悴行吟已白頭建立功名須少壯何人仗劍覓封侯

揭竿嘯聚蠱蒺蠃誰射天狼弓一彎鼙鼓未休三楚地烽烟已靖兩河間汾淮

脫劍班師早

謂僧

絳灌率旗戰血殷

謂吳楚諸將

露布何當摩盾鼻行看干羽格苗

頑

從來表裏有山河天險纔容一騎過

濟源西界有隘曰封門口一夫當關之地即漢志垣縣所謂郛郭之阨也本議設守

於此河東道張鶴生因其地係河南所轄防兵出境須加鹽菜銀兩棄而不守賊遂由此竄入

揖盜西來誰主闔棄軍北去盡

投戈

守都司玉恒先遁

紛紛塞路黃巾滿

城由此竄入平

藉藉填渠白多骨

平陽曲沃

兩城屠戮最多

逸寇緩追真恨事路人指點說摩訶

賊由摩訶嶺東竄諸將逗留未進託將軍孤軍遇賊致受鎗傷賊遂

由潞黎竄出

崢嶸百雉控東南卒伍寥寥見兩三遣騎探營來午夜登陴授甲有丁男

時路無

防兵鄉勇回勇皆登城守禦賊夜間遣人探之知有偏遂不敢犯

回車斷限真奇計

西關行店有鐵釘三萬餘鎗連夜搬運入城賊覘者

誤以爲火藥不敢攻城故以威宮斷門限爲比衆志成城豈妄談乘鄣自慙無異策五龍山下漫停驂

儒流何自習戈鋌披髮纓冠不讓先舉貢生監在團練局者數十人皆自備資斧時歷二年勤苦不懈且脫青

衿衣短後羣操白梃競居前指困盡出倉箱米解橐爭輸子母錢紳士捐銀前後共二萬餘

兩養士百年宜食報諸君詎愧古人賢局中捐資出力之請紳民余爲先後上請分別奏得議叙

漢京名族重諸馮豐鑠於今見是翁馮亦東太守屯留人年七十餘引疾家居奏派辦理防堵郡城練局其所倡率去

病忘家能破虜亦東居屯留之風儀鎮開賊已東來馳入郡城到都鄣塞且從戎城守禦賊過風儀家人星散財物盡爲所掠

甘棠已植京畿遍亦東官直隸四十大樹還移里社中猶憶鄭瀛頻剪燭東堂先叔

守河間亦東以辦堤河各工數數來郡余時在署常得晤談咨嗟往事意何窮

師道難同臣與微武城避寇詎云非朱生甫孝廉主講上黨書院賊將至或勸避去生甫不肯與諸生亟招鄉勇日夜守

城阜比未撤先投袂書帛緣成已解圍松樹雙陰哦解舍生甫因防堵勞績以同知選用杏花

十里望郊畿生甫明春仍上公車匡時未許安閒散渡口還看羽扇揮

自嗟甘載濫吹竽嶺海周迴數剖符孤負恩施成棄物安排農圃老窮途桑榆

已迫傷遲暮葵藿徒殷奈槁枯但祝金甌渾無缺躬耕十畝效征輸

蜀葵花俗名鱣鱣花北方到處有之有淡紅色一種花葉皆似木芙蓉但草本耳戲名之曰草芙蓉綴以二首

不到秋江上芙蓉見一叢嫩紅朝迥雨疊翠晚搖風挺節還疑竹裁圭宛似桐
嘉名今肇錫檢點入詩筒

牆陰連井畔到處茁修莖不貴緣多見相輕爲易生黃蜂衙正鬧粉蝶夢初成
旅館能娛我看來倍有情

留別劉魯汀大令

我爲閩吏十四年與君未識徒想像論交杵臼今伊始却緣乘障來上黨煦物
陽和春氣溫處懷皎潔秋月朗絃歌小邑稱神君蚩蚩常以兒子養前年劇寇
走邢洛汲汲巖疆憂伏莽屯兵列戍正紛拏司農無錢屋徒仰君乃號召下里
民萬戶同聲應如響畫疆守望不相侵井田遺制聊師仿

和順大小十三口君以數
村守一口防堵極其嚴密

領袖還招弟子員短後還爲百夫長

副練局生員數十人皆分任各口巡防事

纓紉棘矜森無數大

呼殺賊臂同攘制梃原可撻秦楚矧此么曆如罔兩聊固吾圉已二年未有錙
銖糜國帑我與君爲左右手相見恨晚悵疇曩晉國山川在咫尺愧我空疎竟
惘恍君乃示我地理學剖析古今如指掌春秋戰國迄元明沿革分明毫不爽
水經酈註証源流志乘紛紛安足獎前有二顧與臚明君乃與之相下上令我
茅塞豁然開如飲醍醐吸朝沚怪君心腹與人同如何乃有十丈廣其中積書
數萬卷蠹魚難飽空怏怏荒落我同沒字碑待君鐫刻留標榜方今四海望澄
清謀議孰如君倜儻畫沙聚米更何人安危此才還須仗士元區區宰百里驥
足未展技徒痒嗟我蒲柳已衰殘瘦骨矜孱欲扶杖願君攬轡騁康莊盡安反
側銷強獷他時旄節過并州故人人陌巷駕宜枉虞卿窮愁有著書君當阿好
一欣賞

張秋屏太守擢四川鹽茶道賦詩送別

原平君舊治

今崞縣乃漢平原縣

遐邇稱神君我爲閩中吏口碑傳聞言君善折獄日黑

劃然分當君未到時訟牘投紛紛君到裁數月乃將筆硯焚吏胥忽不樂盤飧

久無葷居停半戶蜘蛛雜飛蠹閒庭花自落舒嘯歌南薰河潤逾九里蒙福

及榆粉鄉民爭尺土虞芮難解紛君來爲指畫兩造胥欣欣

五臺神腦村鄉民爭灘地訟數年不決委君來

勘片言而定

更有覆盆冤滅口埋孤墳君因鞠他獄鉤距乃云云淫凶竟伏辜歡頌

溢河潰

五台有姑與人姦殺婦滅口之案宜以自戕報正兇逃往崞縣因別事訟繫君廉得其殺人事實置之法

憶昨歲癸丑我從并州

軍與君獲相見雅意良殷殷真氣豁城府宛是蘭臭熏醇酒飲公瑾一酌已半

醺叩君何以治君言惟清勤沽名求異術不免治絲棼此語我心折服膺常斤

斤今君承帝簡多繡揚朱幘褰帷試週覽行穿棧道雲西蜀俗強獷狼莠賴鋤

耘孔明與乖崖治譜留清芬火烈勝水懦古訓誠慤懃人言君長者我知君逸

羣鋒鏑自藏斂出匣有龍文至仁在果斷霜雪澄埃氛願以斯言獻持之當一

芹祝君成政化劍外勒殊勳行看秉節鉞重來渡河汾

秋晚觀稼

紛鋪五色畝南東多稼如雲一望同漠漠川原留夕照垂垂禾黍動秋風豐穰自足銷兵氣禍福何勞問寒翁松菊荒蕪良可念徘徊天未送歸鴻

瀋王城

在潞安府城內

潞州之城過百雉其中強半田可耕內有土垣周數里云是明代瀋王城

在城內西

北隅周迴約二里許

前開牆罅爲門戶瞰之壠畝列縱橫風軒月榭今安在華池曲沼已

填平更無瓦礫留遺迹止有禾黍占雨晴當年建國在遼水靖難之後乃移并

瀋王初封在遼東之瀋陽永樂六年徙封潞安國名仍舊

簡王實維高希子

簡王模明太祖第二十一子

隆準有類父與

兄衆建屏藩磐石固剪桐一葉留宗盟特築此城興百堵崔嵬正殿連飛甍高

樓聳擢帙雲雨洞房窅窅殊幽明王官陪隸肅朝位

明制守土官皆以朔望朝滿王

高冠長劍玉

鏘鳴後宮羅列燕趙女良人八子爭趨迎振振公姓日蕃衍支庶都分茅土榮

明制宗王得分王子弟故簡王以下分王者二十餘人

尊賢好禮傳家範詩歌翰墨多閒情三百年來稱

善國翩翩儒雅黜驕盈

府志潘遵禮守訓世有令德無奢華之習

一朝流寇來

關陝萬馬奔騰夜有聲嚴城不守賊騎滿嗣王面縛悲裸程

潘王迴洪以崇禎十二年襲封流寇

入晉城破爲賊劉宗亮掠去不知所終

可鄰一炬成焦土何來綺疏與丹楹曩日樓臺歌舞地祗

今阡陌有人行溯從護衛裁奪後宗藩守府如寄生由崧遂爲福祿酒

賊破洛陽殺福

王由崧雜鹿肉烹之謂之福祿酒

聿鍵一旅斥編氓

唐王聿鍵起兵勤王懷宗革爵幽禁之都城陷脫身南走黃道周等迎之於閩

嘗

時廢食徒因噎高煦宸濠煩徂征但憂吳楚成尾大竟無晉鄭效忠貞大厦既傾餘燼滅五王嶺海空支撐驅除止爲興朝用原非人力所能爭弔古茫茫百端集剪燭頻將濁酒傾

秋夜二首

夜永難成寐將眠又啓扉疎星低入樹涼露暗侵衣憂國慙無分悲秋客未歸
悶來還剪燭詩筆爲頻揮

行年過六十萬事付颺萍扶老貪殘朮驅愁借醪醑敢爲雙眼白聊對一鐙青

四壁蛩音起悠然倚枕聽

感懷雜咏五首

面目久不識攬鏡乃自知鬚髮十白九守黑惟雙眉耳鳴蟬隱隱齒豁無豐頤
壯也不如人矧乃年已衰棄置勿復道飲酒及芳時少小弄柔翰書史窺一斑
有時騎歛段繁弱未能彎簿書猶攢眉何堪甲冑擐粵寇俄作孽躑躅兩河間
城門與池魚利害原相關粉榆豈不惜難爲桑者閑慨然衣短後投身卒伍班
馬革誠至願其如氣力孱烽烟漸寢息長吟歸故山

憶我通籍時朝野歌天保東觀抽秘書西臺焚諫草作郡出長安人羨致身早
五嶺逮七閩綿綿馳遠道讀書未讀律常常愧官聲好無海波揚樓船致聲討
霞漳當其衝防衛周羣島道光二十年署江漳龍道沿海各島港皆設防遠夷行受撫市舶羅環寶鑑髻

性難馴重譯虞顛倒

道光二十二年抵閩藩任奉旨辦通商務事

包荒賴聖慈覆載歸洪造任重智

乃昏算多謀未老終因撫馭乖分應書下考

咸豐元年撫閩任內因辦夷務未協內召改官三黜從寬

典疚愧縈懷抱剖符十餘載囊橐空如洗太僕厠朝列重索長安米班生行登
仙咫尺瞻雲陛數馬石慶勤鵷班陪濟濟發憤乃上書狂愚人所詆何幸邀咨
俞帝謂乃心啓褒嘉有綸綍感激投五體芻蕘見採納念之長零涕

昔年掌珥筆未獲與文衡一揮作外吏此事已無成湛恩頒異數輶車賦遠征
吏久愧荒落猶幸心未盲烏道盤秦棧巴江繞蜀城既覽山川秀耳目多清瑩
煎茶局試院開網羅羣英豈徒珍綺麗將求律度精孤芳見採摘所得頗知名
使事既已畢吏議斥編氓

因前在閩撫任內失察軍台官犯脫逃部議革職

幸補生平缺何惜拋簪纓

曲終還雅奏豈曰非奇榮

高鳥東南飛倦極思故林宦遊二十載鄉里乃重臨松楸幸無恙故老杳難尋
儕輩郡頒白問之稔其音少年無一識歲月何駸駸里中執經者就正多惘忱
知我老學究師事懷虛心羣比坐未煖羽檄頻相侵奉命當一面馳驅力難任

甲寅二月奉旨督辦潞澤遼防堵駐上黨已一年有半

且復倚長劍何暇理素琴邇聞賊氛遠解嚴韜霜